

醫學辨害



醫學辨害

亨函

二十

長陽明之至浮大而短太陽之至洪大而長太陰之至緊大而長少陰之至緊細而微厥陰之至沉短而敦此六者是平脉也將病脉耶然皆王脉也其氣以何月各王幾日然冬至之後得甲子少陽王復得甲子陽明王復得甲子太陽王復得甲子太陰王復得甲子少陰王復得甲子厥陰王各六十日六六三百六十日以成一歲此三陽三陰之旺時日太要也內經平人氣象論唯有言三陽之脉此難補三陰之脉言

各王時日如此王叔和脉經亦有載此脉前後
錯亂改字加言其誤之甚不足以辯焉此所謂
乍大乍小內經作乍數乍疎本篇前文及根結
篇三部九候論有言此脉而皆為死脉遂不見
有為王脉之謂也死脉也王脉也其義冰炭相
反予何不致疑乎蓋陰陽五行之道當時者為
之王四時代王者寒涼溫熱也溫熱是即陽氣
也寒涼是即陰氣也弦鉤毛石者四時之脉也
故溫王則脉見弦熱王則脉見鉤涼王則脉見

毛寒王則脉見石是人一歲之間陰陽代王之
脉也又有三陽三陰客氣之王其王每歲不同
其位內經曰厥陰之至其脉弦少陰之至其脉
鉤太陰之至其脉沉少陽之至大而浮陽明之
至短而濇太陽之至大而長是也然又有此得
甲子之王其王多岐而使人爲惑岐黃越人何
有惑入乎凡無病平和之人當其時而見其脉
便爲之王脉又爲之平脉其實非有二莫各別
見之脉經所謂春肝木王其脉弦細而長名曰

平脉等言是謂其實者也此難問辭疑以平脉
答辭決以王脉是似各別見之豈不使人爲惑
乎評林曰此非平脉亦非病脉乃當令而王之
脉也平脉者春弦夏鉤秋毛冬石是也病脉者
浮數爲熱遲沉爲寒是也王脉如此篇之所言
是也王又潔此註見爲各別卽所以爲惑也此
所謂乍大乍小乍短乍長素不業醫者亦易知
脉也故予每歲冬至之後要認此易知脉託言
於診常脉歷試無病之人未曾有遇獨見此脉

者問之於四方老醫或曰輕易見而未致疑或
曰要認而未曾有遇是以一日反覆文義豁然
知爲理之所無又知平人氣象論所謂三陽之
脉當爲衍文矣夫假如冬至之後得甲子在一
二三日六甲既終而得第七甲子在次歲冬至
之前二三四日今自本文所謂冬至之後而觀
之次歲少陽所王當第八甲子在冬至之後五
十七八九日然則第七甲子六十日何氣爲王
于此也若爲從次而厥陰直王終氣所王一百

二十日何獨得日數過多也又自曆元冬至而
觀之後第十二冬至其歲甲子為差一氣少陽
所主而陽明主陽明所主而太陽主太陽所主
而太陰主太陰所主而少陰主少陰所主而厥
陰主厥陰所主而少陽主一氣進而為初氣初
氣退而為終氣後第二十三冬至其歲甲子為
差一氣少陽所主而太陽主陽明所主而太陰
主太陽所主而少陰主太陰所主而厥陰主少
陰所主而少陽主厥陰所主而陽明主三氣進

而爲初氣二氣退而爲終氣後第三十五冬至
其歲甲子爲差三氣三陽所王而三陰王三陰
所王而三陽王四氣進而爲初氣三氣退而爲
終氣皆是由冬至甲子有過不及何以有一槩
而定時日太要乎張仲景金匱要略亦有同趣
之言曰冬至之後甲子夜半少陽起少陽之時
陽始生天得溫和以禾得甲子天因溫和此爲
未至而至也以得甲子而天未溫和爲至而不
至也予按仲景祖述岐黃越人之言雖然此書

散失而不見世後人得之於蠹簡中且雜已言
而爲附會是尙未復全書者也若曰全書之時
而著此言使難經重編之手襲取之仲景唯非
下誤呂廣又足上欺岐黃越人何以有得亞聖
之稱乎若爲因難經舊有此言當歸咎於越人
本辭之誤又爲後人取難經而附會當歸咎於
呂廣重編之誤仲景得能精經方不可有如此
妄言而况岐黃越人乎王冰曰扁鵲陰陽脉法
亦後世假託之言耳是雖有略所知未能直指

罅漏故後世諸家尚未致疑劉溫舒運氣論奧
施桂堂察病指南李東垣此事難知趙繼宗儒
醫精要等書用以引此難又如丁德用紀齊卿
袁淳甫滑伯仁熊宗立之輩隨文爲註解不知
若干言皆是所以不親診脉而認其有無也予
觀張介賓註內經曰此論但言三陽而不及三
陰諸家疑爲古文脫簡者是也及閱七難所載
則陰陽俱全又曰此三陰三陽之辯乃氣令必
然之理蓋陰陽有更變脉必隨乎時也吁嗟介

賓如此費言以爲必然之理與予今爲理之所
無何啻如霄壤相隔也乎

男婦尺寸盛衰論第九

難經十九難曰男子生於寅寅爲木陽也女子
生於申申爲金陰也故男脉在關上女脉在關
下是以男子尺脉恒弱女子尺脉恒盛是其常
也又曰男得如脉爲不足病在內左得之病在
左右得之病在右隨脉言之也女得男脉爲太
過病在四肢左得之病在左右得之病在右隨

脉言_ニ之_一此之_レ謂_ハ也。龍丘葉氏曰。脉者天地之元
性。故男女尺寸盛弱肖乎天地。越人以男生於
寅。女生於申。三陽從天生。三陰從地長。謬之甚
也。獨丹溪推本律法。混合天人而闢之。使千載
之誤一旦昭然。豈不韙哉。葉氏爲褒貶如此。雖
似解學者之惑。丹溪唯言其自所發明而無微
論其謬。故後世學者未能以爲謬。尚無不從註
者而講此難矣。夫太極動而生陽。天得開於此。
靜而生陰。地得闢於此。天地之間其氣絪縕人

得^{タリ}生^{スルヲ}於^ニ此^ニ人^{スルハ}生^ス於^ニ此^ニ則^チ既^ニ有^ニ男^ヲ女^ヲ男^ヲ女^ヲ又^{タリ}得^{タリ}構^テ精^ヲ而^テ生^ス天^ス下^ヲ之^ノ人^ヲ故^ニ邵^子曰^ク到^リ子^ノ上^ニ方^ニ有^リ天^ヲ未^タ有^リ地^ヲ到^リ丑^ノ上^ニ方^ニ有^リ地^ヲ未^タ有^リ人^ヲ到^リ寅^ノ上^ニ方^ニ有^リ人^ヲ朱子曰^ク天^ヲ開^キ於^ニ子^ノ地^ヲ開^キ於^ニ丑^ノ人^ヲ生^ス於^ニ寅^ノ是^レ卽^チ言^フ天^ノ地^ノ人^ノ之^ノ始^ヲ其^ノ時^ニ有^リ先^ニ後^ニ也^{ナリ}夏^ノ殷^ノ周^ノ三^ノ代^ノ建^テ以^テ爲^ス正^ノ月^ヲ夏^ノ以^テ寅^ノ月^ヲ爲^ス人^ノ正^ノ朔^ヲ以^テ丑^ノ月^ヲ爲^ス地^ノ正^ノ朔^ヲ以^テ子^ノ月^ヲ爲^ス天^ノ正^ノ孔^子曰^ク行^ハ夏^ノ之^ノ時^ニ是^レ爲^ス寅^ノ月^ヲ人^ノ可^シ施^ス功^ス也^{ナリ}此^ノ謂^フ人^ノ者^ヲ皆^ニ兼^ニ女^ヲ子^ヲ而^テ言^フ之^ノ豈^ニ正^ニ言^フ男^ヲ子^ヲ也^{ナリ}乎^ヤ若^シ無^シ夫^ノ唱^ハ妻^ヲ隨^フ之^ノ道^ヲ何^ニ以^テ有^リ人^ヲ可^シ施^ス功^ス

乎予憶乾道成男坤道成女凝體於造化之初
二氣交感化生萬物流形於造化之後靈萬
物者爲人散於動植者爲物故未生男女之先
其道既寓乾坤乾爲天坤爲地既生男女之後
天地爲之父母是同繼天地而生於寅之由所
以有陰陽對耦之理也若爲不生於寅而生於
申是隔數支而生於人物之後初無陰陽對耦
之理何有成男成女之道乎且陰陽五行之精
妙合而爲生人故男女雖異其形得同備血氣

藏府設自此而觀之五行不可少一何止言生
於寅寅爲木陽也乎又何止言生於申申爲金
陰也乎吁嗟胡言亂語學者未能知之必是出
於重編之手非出於越人之口矣紀齊卿熊宗
立王文潔等註以男女逆順之道與姝娶懷娠
之數是遺繼天地而生之人妄論構精而生之
人予見世人不別男女無支而不懷娠又無月
而不生其所謂自巳而懷娠男左旋十月而生
於寅又所謂女右旋十月而生於申是誠不思

之甚當一握爲笑者也予又憶太抵關上爲陽
部關下爲陰部脉盛爲太過脉弱爲不足男得
女脉當爲陽不足而陰太過女得男脉當爲陽
太過而陰不足然男偏爲不足女偏爲太過陰
陽藏府血氣邪正未知何指而爲太過爲不足
也若未知其所指何以有能爲補瀉乎趙繼宗
妄曰主病在內是血氣之虛也又曰病在四肢
是邪氣之實也夫血氣非唯在內又能流行於
外何以有其實偏在內乎又如邪氣爲病轉變